





第一三九冊

四庫全書

●上海古籍出版社

本冊目次

漢	唯	附	知	默	嵩
濱	室	附	稼	堂	山
		律	翁		
		補			
集	錄集	遺	遺	集	集

宋 王之望撰……………六六一	宋 陳長方撰……………六一五	宋 黃公度撰……………五四一	宋 陳淵編……………二九九	宋 晁公遡撰……………一
----------------	----------------	----------------	---------------	--------------

欽定四庫全書

集部
嵩山集卷一至四

欽定四庫全書

集部四

嵩山集

別集類三宋

提要

臣等謹案嵩山集五十四卷宋晁公邁撰公邁字子西鉅野人公武之弟宋史無傳惟李心傳朝野雜記中頗引其所著箕山日記一書而仕履已不可考今按集中上周通判書題左迪功郎知梁山軍梁山縣尉又程氏經

欽定四庫全書

嵩山集

史閣記稱嘗為涪州軍事判官又與費行之小簡稱紹興三十年內任施州通判又眉州到任謝表及謝執政啓則嘗知眉州又答史梁山啓稱猥從支郡遽按祥刑而集首師璿序亦稱其為部使者則又嘗擢官提刑而不詳其地又眉州州學藏書記題乾道年月而丙戌元夕詩有刺史敢云樂句丙戌為乾道二年是時正在眉州此集刻於乾道四年蓋

詳校官起居注主事臣顧宗泰

主事臣呂雲棟覆勘

總校官進士臣繆瑛

校對官中書臣王家賓

謄錄監生臣朱學濂

謄錄監生臣胡念祖

皆眉州以前所作師璿序又稱公邈抱經堂
稿以甲乙分第汗牛充棟此特管中之豹則
其選輯之本也晁氏自邈以來家傳文學幾
於人人有集南渡後則公武兄弟知名公武
郡齋讀書志世稱該博而所著昭德文集已
不可見惟公邈此集僅存王士禎嘗評其詩
謂在元咎叔用之下蓋體格稍卑無復前人
筆力因由一時風會使然而揮灑自如亦尚

欽定四庫全書

嵩山集

二

能不受羈束至其文章勁氣直達頗有崑崙
歷落之致以視景迂難助諸集猶為不失典
型焉乾隆四十三年五月恭校上

總纂官臣紀昀臣陸錫熊臣孫士毅

總校官臣陸費輝

嵩山集原序

文章之在天下其用至不一而其體亦各不同蓋施於
朝廷者為制誥為章表施於仕塗者為書疏為牋啓被
之金石則為記為銘協於音韻則為詩為賦為楚人之
詞以至立言則為著書紀事則為史筆或嚴或肆或質
或華短長之殊度廣狹之異制奇耦之不齊千彙萬狀
不可窮極觀陸士衡文賦之所列自詩賦而至於奏論
韓退之進學解之所叙自姚姒而至於子雲相如一名

欽定四庫全書

嵩山集

一

一體莫不皆有律令吁文之變若是其多乎昔之文人
其才力聲名固自有大小然求其兼是數者而能之或
寡矣故詩如杜少陵而無韻者遂以無傳文如曾南豐
而有韻者殆亦不復著也惟東坡先生稱歐陽子以為
論大道似韓愈論事似陸贄記事似司馬遷詩賦似李
白嗚呼此其為大儒也歟嵩山先生晁公負絕人之資
出於內海文章家憑厚而積深發之於文雄深雅健鉅
麗俊傑以是擅名聲於時久矣今雖為部使者東權任

之重猶日論者數千百言凡屬乎文藝不問何等下筆

輒妙天下而皆與古作者合嗚呼天下之文至於公可

謂大備矣吾家傳甫從公游間掇拾其詩文凡一千餘

篇以世之學者爭欲得公所作讀之而恨見之未博也

於是鉅之板以傳焉傳甫以書抵璿曰子於公為門下

士宜為序其首顧璿寢啓何足以與於斯文嘗窺公所

謂抱經堂藁者以甲乙分第汗牛馬而充棟宇傳甫之

所得殆筦中之豹然已足蓋一世矣雖然公豈徒爾哉

欽定四庫全書

嵩山集

二

以道德治其心以仁義修其身忠以事上公以待物其

中浩然方與天地同量宜乎發於事業者既如彼而見

於文章者又如此觀公之文者嘗試以是求之乾道四

年六月日門生左宣教郎充嘉州州學教授師璿謹序

欽定四庫全書

嵩山集卷一

宋 晁公邁 撰

古賦五首

登賦樓賦

晁子居於破中已聞西山之可遊蓋武信之美盡在西

山而西山之美無如茲樓已卯之冬歸自益州始及西

山之下而休焉霜露既降天高氣清山川開除氛霧不

欽定四庫全書

嵩山集

一

興乃從主人問茲樓而登焉四山蒼蒼其峙如屏江流

茫然如帶縈城一自千里野曠川平主人樂之顧客而

喜將以是為東臯每登之而必賦也晁子曰富麗便美

流連光景非今之所謂詩乎世方吹竽伐鼓其門在於

五風不幾於淫如曰山林之樂可以忘歸藻繪巖壑與

之光輝往告市朝殆以為欺曾未加重嗤點隨之主人

亦知言之者無罪聞之者足以戒古者十五國之詩乎

當酒酣而未闌時勞賓而壽主辨者縱談豪者起舞賦

為之歌蟋蟀則宴游者無荒而有度也為之歌既醉則五福可致而六極可去也為之歌七月則有事於農者識三時之先務也為之歌碩鼠則收養吾父兄子弟者感動而知懼也為之歌二南則美哉乎如周召之親親也於是至而樂之登而賦之其十五國之所詠皆足以託吾意之所寓凡其鄉人孰不願主人之日遊而喜茲樓之有補也

屈原宅賦

欽定四庫全書

萬山集

余入蜀之初嘗至於秭歸之山有漁者過焉指其墟中而告余曰此吾三閭大夫之故居也余聞而異之問途而往觀焉則羣山連綿若遠若近風雲凜凜不見其境于時秋也霜降氣肅月光益明風林水麓之影相亂而大江之聲若敲金擊石泠泠然其可聽也而所謂屈原之居則無復可識吾想夫牛羊之牧其上而樵蘇之不禁也久矣而彼漁者何自而知耶余觀于屈原之前者有唐叔之苗裔襲霸主之遺風方示侈于天下築虎祁

之新宮傾四封以來會賀匠氏之奏功其玉帛之容焜耀於下而環珮之音鏗鏘於中固已為諸侯之雄也自後彊君桀主日益侈矣東西五里南北千步採玉砂以瑩礎布金椎以隱路者秦之驪山阿房也壁門鳳闕上棲金爵繚周牆以百里而終南秦華之氣上下而交錯者漢之長楊五柞也嘉木崇岡蔽虧杳冥而珍臺閒館間見層出於幽深者唐之玉華九成也方其作而未毀固極侈以增麗五都之豪傑足留而目注者彷徨而已然而千載之後皆漫滅而不記又況屈原之宅哉自沈沙之告終凡幾易於星紀觀陵谷之遷變想丘隴其已毀而後之人猶於荒榛野蔓之間求髣髴於田里而謂屈原之在是也噫吁悲哉獨何為然豈五方之異俗惟楚人之為賢秦晉漢唐之址已泯絕而無有至于此而獨傳考厥俗之所託實祝融之世臣能遺迹於不朽矧郢中之舊京然今也平原曠野上下禾黍九歲雲夢之間水波煙雲之容輪囷浩蕩而瀾漫於九土其章華

欽定四庫全書

萬山集

之館蘭臺之宮亦不知其處所矣予於是瞻悵久之泣然流涕而後知名節之可尊而富貴之為不足恃也漁者聞而笑之曰子真知吾三閭大夫者歟觀此荒蕪尋常之地豈昔者所以被放逐而不忍去者也聞其始也漁父語之而不從其終也宋玉招之而不來卒自葬於魚腹邈神遊於九陔曩云懷乎故都今何不少留而徘徊也余曰封狐雄虺象蟻壺蜂層冰積雪流金鑠石之域當凜而夏宜煥而冬生于四方為物之凶然吾知其

欽定四庫全書

卷一

為異可前備而不逢惟楚國之衆士實同質而異心吾不量其有毒故見放于江濱然則彼可畏歟此可畏歟雖漁父之見告使揚其波馬如誦招魂之哀唱亦小智而大愚所以赴江流而不悔其何愛於墜廬

神女廟賦

漢武帝既封泰山之五年臨朝而歎曰朕念元元之民未蒙休德周覽中土以施惠澤而南方以遠故獨弗及也朕甚憫焉是冬詔發飲飛羽林之士簡車騎之衆咸

清道之儀天子御雕玉之輿服龍文而駕魚目繫蒲梢而蹕躡雲至于咸唐望九疑登天柱薄樅陽而出休于琅邪天子大悅作咸唐樅陽之詩命協律都尉延年歌之以觴羣臣酒未半天子戚然不懌時東方朔枚皋侍因進曰陛下不懌臣敢請罪帝曰朕適望琅瑯之上忽然雲興其氣甚異因感高唐之事聞楚陽臺之山下有神女旦為朝雲暮為行雨朕心慕之異時諸方士嘗言仙者非求人主人主求之乃可致今巡遊天下冀一覩

欽定四庫全書

卷一

列仙之屬而莫獲焉殆朕之德不如楚王能有所遇也是以不懌朔跪曰楚王諸侯耳有臣宋玉善為微詞感動神女見夢於王臣嘗笑之玉安知神女若臣者乃知之上意乃解命謁者給朔札使為之賦朔即獻辭曰徑西那之綿邈兮積閭風之崇基繚玉墉以千里兮右翠水而左瑤池崑崙層峙以嵯峨兮弱淵周流而逶迤中龜臺之清都兮瑤洪敞而甚治粲丹房與女室兮卷浮雲而上齊諒豐隆列缺之矜工兮斧雷震而斷之疏懸

欽定四庫全書

萬山集

六

黎以代礎兮瑩結綠而飾墀虞淵倒影而下射兮反
激以交馳萃飛仙之游遨兮餌若英而咀瓊枝夏叢霄
之靈璫兮歌白雲而忘歸狀愉樂而不可殫兮非羽輪
其莫窺帝九靈之少女兮其名曰瑤姬受素書於紫清
兮含洞陰之華滋習玉瑛而厭處兮乘回飈以長辭狂
章大翳為之奉轡兮策蒼虬而駕白蜺馭八景之玉轄
兮曳紛綸之雲旗載靈氣而輕舉兮竭鸞戾而鴻飛涉
巨溟之層波兮予將躡乎南箕聆夢澤之雄爽兮潏天
水之相圍介青丘而澶漫兮奄高唐以冥迷忽意樂而
延佇兮弭絳節以徘徊肱丹笈授夫神禹兮靖九土而
安柔祇下民懷斯遺烈兮即石化而為祠象瓊光之華
闕兮審辛夷以為楣矯藻棟以垂虹兮列藥房而張薛
帷羣峯連卷而十二兮爛雲屏而揚輝儼玉立而正中
兮貌渥飾而具宜沐蘭澤而含芳兮被袿裳而繡衣
炯黼黻之豐麗兮澹聯娟之脩眉肅容華之拱侍兮紛
環珮之陸離神武蹲而抱關兮夕夾陛以文狸元援悲

欽定四庫全書

萬山集

七

吟以度曲兮女媧倚歌而舞馮夷三足鳥往來為之使
兮訊東華之靈妃迹逍遙乎中區兮亮素節之靡移鼻
祖祝融之裔子兮竊息媯以荆尸盡文夫人于前兮後
又奪耶陽子之妻豹舄斃掩而攘內兮蠶目暴羊而蒙
眚黑要挾夏而與居兮於菟盜郢而遂孽世朋淫而上
蒸兮嘗見刺於湘纍橫下臣繫宋玉兮揆暴戾之不可
規稱先王嘗與靈游兮薦枕席而嬖私今胡為而復遇
兮意託諷於微詞啟後世之警惑兮誑魄化而為芝曰
思

暑賦

盛夏之月風緘土壤鬱伏不興陽亢滋驕鑠石流金草
木焦燃氣蒸山冥客有過其主人而告之曰吁可畏哉
暑也吾聞朝歌令質從魏公子浮瓜清泉沈李寒氷嗟

人壽之無幾須富貴其何時南皮之樂僕甚慕之試與
主人觀乎靖遠伊闕東西二京平樂畢圭長楊上林高
臺雖毀故基猶存宛多灌叢交映紛披渭濱雖隴彌皋
被隄風來鳴枝影為參差散于平中清清冷冷涼丘爽
壇不煩不蒸則主人亦欲游此耶試又倘伴四方彭蠡
洞庭太湖松江龍淵金隄汨羅瀟湘瀕洞浩瀾周數千
里蛟龍鬱怒水涌波起山谷震動草木盡靡觀者凜然
髮立膽悸則主人亦欲游此耶試又薄游東陸四明會

欽定四庫全書

萬山集

八

稽衡廬九疑玉霄赤城高唐峨眉大木千章崇巘百常
含陰翳陽不見日光深林窅冥六月飛霜則主人亦欲
游此耶主人笑曰佚者不視勞崇者不觀庠終身戚戚
何時樂為今夫大農之廬櫛比鉤聯穀稚草壯盡日出
田攜畚荷鍤長後幼先此人適逢綫溜濫觴如驥赴泉
齊魯之交平原廣野黍稷盈疇百里一舍脩途曼曼日
赫如赭車殆人罷汗浹牛馬舉首而望不見尺瓦此人
思得一丘息肩稅駕止咸陽游邯鄲鄭衛溱洧五都之

間迎夏之陽羣女條桑柔柯沃葉密不蔽日炎光下射
膚澤沾溢此人登管蒯之廬意猶自得從軍出戍奉車
挾轂象弭百鈞甲裳三屬荷戈而趨足蹈平陸毒陽中
體炎沙燂目此人幸得休徒止舍以為至足繩樞之子
宅不盈畝外逼闕關縱步無所行者接武如穴中鼠銜
窰齟齬偏仄環堵中置錡釜煬竈之煙煩冤勃鬱衝牖
襲戶此人困于煩囂不得動作一見天宇猶以為樂今
吾偃仰一室息交謝客散髮弛帶蕭然終日客猶嗟咄

欽定四庫全書

萬山集

九

不滿意于色豈不過矣哉客無乃貪佚忘勞挾崇棄庠視
我之居若絆若縻儻不得馳我實不然自適其適以休
以息其樂易給故自居此室而暑不我疾也且夫與客
清談相對危坐隱几吾心湛然清若止水屏翳塵其已
除視紛華而不起尚何有於暑哉而當世之士惡寒附
炎焦爛不止弗內省於厥躬徒歸咎於一氣亦甚矣客
起而謝曰僕小人也實不及此

憫孤賦

有衛氏之君子兮鼻祖肇緒於初度靈根大於元莊兮
益植德而垂裕后皇揆其中情兮嘉耿介以作輔綿蟬
連而通籍兮逮五葉之踵武皇考生而寒直兮雜若芳
以為佩中既有此修能兮罹氛濁而不得試服銅墨于
崑邑兮迫滄瀆而繚戾臨臬迭翔千仞兮驚異懾而增
逝甌窰薦于清府兮倭倭紛其徑待惟謠詠之妬美兮
君猶天其何慙犬戎忽其吠堯兮肆斷菑猶未果進鉛
刀以禦衛兮衆固知其不可女嬰婉孌而來告兮聖亂

欽定四庫全書

高山集
卷一

十

邦而不居昔予棄而今辭兮揆厥禮而弗渝皇考申之
怫鬱兮曰食焉其可捨倚東藩以出奔兮日重趼而百
舍奮大義以委命令元戎感而就駕前茅蹶于寧陵兮
胡天命之不假獨立而彌厲兮遂結纓于此野夫差悼
于敷閭兮豈忘越之傷指眇眇泣于下隕兮寧蹈敵
以偕死余殺身其非難兮實有慕于申子眷欲留此故
都兮懷維桑之攸止豹旆旆而胸關兮宇將顛而藩墜
心旌旌而橫驚兮撰余轡于睢之陽朝發軔而南邁兮

欽定四庫全書

高山集
卷一

十

慘去故而盡傷睨帝閭以增遐兮今日沈翳其無光岑石
摧其重輓兮豺狼跼夫中路夕惴惴而不寐兮晝徙倚
而環顧察九土之洪曠兮予何為此窘步介淮海之具
區兮幸去危而即安俄魏狸之涉泗兮赤囊翩其若翰
幼遭世之厄艱兮尚童羈而未冠後猘獠之淫噬兮前
大江之奔湍睇鯢淵之赫怒兮柁將進而復止委虎蹊
以顛越兮恐齋恨而永已冒危途以徼福兮寄性命于
一葦陽侯憫予而奔屬兮濟中流之湯湯登句吳之崇
壤兮聊弭節而彷徨竟愴懷而稍寧兮卜子適其何方
著龜告予以坤維兮盍避世以違害惟厥土之側陋兮
黎藿蔓其不採厥勢亂而願游兮問夫途之所在歲作
噩之杪冬兮霜雪凜其濯濯絕楚澤之泱泱兮天無風
而揚波涉三峽之峻阪兮陸紆軫而嗟峨曩子邑於浚
都兮安平原之曼衍絕垠忽其迫隘兮感失徑而悲惋
念世遺予清白兮特繼繼于賓戚逮覺獨而于役兮適
曠野其焉覩踵尼父之厄陳兮七日慘其不食寒木蘭

欽定四庫全書

嵩山集卷二

宋 晁公遫 撰

古詩三十二首

送范道卿赴省試

君之先世真文雄，異時奏賦蓬萊宮。誰傳副墨過沙漠，至今猶稱長嘯公。芝蘭不乏後來秀，謂將褭然為舉首。至音澹泊識者寡，遂令聲名落盧後。北風吹霜日隱山，

欽定四庫全書

嵩山集卷二

綠鸞繡襦軍復寒，同車西歸信可樂。得意自忘行路難，明年春風紫宸仗。遙對清光九天上，長安花盡君亦歸。緩轡重來一相訪，

凌雲寺

問途出青郊，踐勝得紺園。始登十尋閣，敬禮兩足尊。仰觀碧玉螺，瑞光發面門。飛霞在指端，甘泉生耳根。屹為江山壯，高揭日月存。念此未云大，法身滿乾坤。東望烏牛峯，突起如伏龍。少休白雲亭，遠見蒼煙村。晴波溢清

以繼振兮腹雖潔而愈瘠顏有田以給飢兮陶環堵而

潛伏夫吾塊處無所兮餬予口其不足下鄉困而哀歌

兮微漂母吾其殆曾千金之獲償兮蘭委霜而先敗歲

月况其遄逝兮視金鞍已勝憤豈不懷夫遺烈兮莫感

於疇昔三歲進而賓興兮非吾宗其誰克豈來者之弗

勵兮降及予而若絕夜慷慨以雪涕兮恨放迹乎窮髮

俗務相之是習兮巫覡以為師聖闇莽其榛塞兮意慙

况其何之粵予世有舊聞兮退紬繹而覃思嘗俾予

欽定四庫全書

嵩山集卷一

主

充賦兮求雖獲而怛怛女采薇而驚悸兮終即鹿而有

喜念墜緒之僅續兮撫初志其猶未義捧檄以娛親兮

善干祿之及時三千鍾而不洎兮在子與其益悲矧下

秋之代耕兮蚤顛沛于百罹昊蒼何其不仁兮而畀予

以弱質秉坎毒而豈忘兮懼鞭笞其難必監伍尚之引

決兮曰無愧乎今之人顧毀傷其髮膚兮豈聖言之是

程百年修其幾何兮徒悒鬱而終身

嵩山集卷一

輝午樹增重昏方袍無平叔佳處莫與論

中崑

久聞慈姥崑今作崑中遊驚嗟未省見入蜀今白頭松
道夾蕭森石門閉清幽鐔字崖壁古蟲書山葉秋突然
起平地劃若三神丘其旁寶瓶峯特立高岑樓錯摩岩
琅玕刻削青琳球周觀劔東西孰得與此侔尊者何方
來杖錫乃肯留乞泉為洗心一飲吾無求尊者默然許
勿忘早歸休

欽定四庫全書

嵩山集
卷二

自過健為山水益佳

客遊三十年不出樊與巴江惡崖石麓十步九蹙斜自
過賴里西山水日夕佳冥冥見遠樹渺渺鋪平沙兩岸
何所有鬱鬱皆桑麻良疇散牛羊支流入魚蛇清絕益
可愛豈復憶漢嘉悅如涉荆吳是耶復非耶兒女長硤
中老妻髮已華茲來始及此舉首亦驚嗟

清晨坐堂上

清晨坐堂上文書常滿前皆自公府來徵發何紛然不

聞問養民但聞橫索錢按籍為之課獨求最多年孰知
人困窮豈有力貿還商不願出途農不願授田居者轉
溝壑行者死道邊此罪在郡縣恩澤壅不宣公府不我
責所貴為貨泉長使貨泉在吏曹同晏然

池上

烟醉高陽池長嘯辟疆園當時自謂樂主人豈無煩方
塘我所有嘉木亦已蕃盛夏每數來天高衆星繁露下
蓮花香風生荷葉翻微月銜林端光照瘳藤樽飲之心
為清如洗濁水源念此寧久居行矣駕折轅悽然仰屋
歎千載屹常存閱人猶傳舍過者誰可言

欽定四庫全書

嵩山集
卷二

喜張仲景范與蔡仲見過

昔游房相湖乃適與子逢迨其景將入不盡湖所窮今
子聯翩來二難復相從散策破莓苔循池詠芙蓉子勿
謂池小託之僂耳翁名重覺景勝人賢增地雄老夫實
自慶得為使君公飲食玻璃江日汲水一鍾洗我崑崙
心充我雲夢胸巾車且少留樂當與子同徑幽木陰茂

土腴蓮實豐凌波挽碧莖剪房剝青蓮吾兄猶在遠接
節臨瀛戎吾亦思飄然攝身乘清風

比與鮮于東之游池上已而辱三詩見示因次

韻

循行脩竹林愛此晚色淨蕭然抱清節每見敢不敬香
聞遙風度陰過微月映渭川游未能吁嗟子方病
好風如高人于世豈求售惟子招則來快出土囊口臨
風弄清冷笑視月在手吾州玻璃江不減蒲萄酒
資州有佳兒賢哉青雲器過我池上游長嘯薄炎熾折
花愛歌紅墮葉輕拾翠風流良不凡可用觀子志

承親戚見過生朝賦此為謝

冠者五六人駕言款吾門是日射蓬矢請壽此山樽吾
方念初生非止祭特豚保母親食我卜士負且言劬勞
曾莫報喪亂乃僅存愧子自遠來戒婦具盤飧草木皆
華滋春事亦嬋媛如欲起我衰豪氣薄乾坤何用的酒
漿斗柄可手援

欽定四庫全書

嵩山集
卷二

四

外舅衛尉持節於此作畫心堂時與親戚會飲

今三十年予復與衛尉內外屬置酒堂上不減

當時喜賦一詩

衛尉築此堂棟宇真傑立幾容五百坐可飲三千客府
中省文書堂上會親戚金杯浪飄江銅盤光吐日侍女
發清歌華筵美遙夕當時條分散回首遂陳迹豈知吾
繼來復見少長集雖誠慰濶絕得無感疇昔在者皆其
孫樂極悲且泣歡娛殆不減左右或太息諒曾事衛尉

欽定四庫全書

嵩山集
卷二

五

始壯今髮白諸郎各勉旃宗族期烜赫

於陵仲子

於陵有仲子築室自躬耕辟疆以為食不肯從其兄而
況區中士欲與並飛纓高節固可嘉由來無復情

桑大夫

漢朝議鹽鐵發言實盈庭赫赫桑大夫官高稱九卿方
幹山海藏難以口舌爭力微不自量可笑茂陵生

羣荷

羣荷弱清瀾不受明月光明月每下照但見露滾滾炯如翠蓋中珠璣爛熒煌我起欲挹之傾瀉入方塘

秋日

秋日淡無光晴雲閒不行空中散白石仰看天宇明時聞敗葉下撼撼微風生季月當泛菊栽培園中英

幽園

幽園有嘉植盛夏乃繁陰竹節見青眼榴花開赤心樓高可遐覽地近無遠尋時能卜勝地於此盍朋簪

欽定四庫全書

萬山集

卷二

妻族師如石同婦見過

古人重生孫欲為王父尸爾姑念爾祖宰本令風悲不得見爾生況當逆婦歸我獨賀迺翁有婦能奉匱食上調滑甘寒煖視其宜更致大夫食迺翁喜可知還家勤五經進德要及時他年懸旌節門戶增光輝

王元才攜家來過有詩見示因簡此作

我思見諸姑正復如父存諸姑不可見豈無若子孫天涯忽爾逢悲定喜且語惟我之老姑爾之外王母真能

似我家炯然眉宇清閒暇幸數來慰此衰老情今朝攜婦至兒女亦成行富貴各勉旃他時勿相忘

六月五日池上

蒼然暮色來初月光尚微河漢亦不高仰看天四垂衆星一何多粲若天圓碧忽驚毛骨清薄露露我衣放杯折荷花中有千丈絲織為芙蓉裳可作江湖歸

次韻鮮于晉伯三月病起二首

桃李幾何春已闌雜生靡蕪與射干永夏碧瓦藏綠暗

欽定四庫全書

萬山集

卷二

涼秋青山吐白團開花旋見槐著英解籜忽驚筍成竿

資州無事吾所羨官居不殊澗谷盤

晉伯時守資州故云

甘雨尚膏風未闌只今時清舞舜干山前四面雲欲淪

松上五鬣露已圓甚憎塵土願投情頗思滄浪去持竿

何當共作雞黍社長者進酒少舉盤

張若虛乃予妻黨湯德翁外孫喜其來賦此

我昔見德翁其人直且溫共知懷抱清宜使鄉黨尊竟無蒲輪召遂算萬里園張子極秀發乃是外諸孫謹厚

甚似之好修仍寡言功名在少壯簡編勤討論剽觀書
連屋願聞策臨軒方起甯氏宅再興文紀門

眉山史願老秀才遣人寄詩用其韻答之

衰年臨滄江華髮羞照映人憐貌枯槁水與心清淨所
居少帛煖況望有屋潤但期牧雞豚那得追駟駿為貧
未歸田投老聊為郡每行芙蓉湖魚躍見於物自欣逢
外平兵木道無刀願從賢者樂術同農夫慶常令燭或
災安敢驕且各使君非何武弟子乃樂正陳論翻犀革
欽定四庫全書
眉山集
卷二

中嵒文老和予游字韻見寄用韻為報

我雖券內士常思方外游未見夫鐵脚況逢通鑊頭
崖然祇樹老隱此陰崖幽脩竹不知夏青松不知秋甚欲
効柳子冉溪買西丘又欲追白傅香山尋石樓忽開化
人書書中有鳴球其鳴疑飛泉清絕或可侔乃是寄我
詩恨我昔莫留觀者勿疵瑕謂以聲音求句法傳叢林

五言如湯休

師伯渾自通義來且出詩一軸為之喜甚奉簡

短作

通義固多賢我昔守此邦不肯入城府私獨敬老龐今
誰念我去帳空列麾幢感子能遠來香醪發春缸共登
煙雨樓相對雲霧牕贈貽詩五字何啻璧一雙詞源極
峻潔石齒漱琮琤驚怪得爾清中有玻璃江

送宇文安行如吳下

欽定四庫全書

眉山集
卷二

往者華陽公熊軾始西還不斷吳松江但取江中山千
崑與萬壑歸置置函丈間白雲生宴坐青壁照蒼顏高標
可想見逸駕難追攀公孫喟然歎顧我敢自閑要興故
老家再立清朝班結綬思登畿棄繻行入關嗟予忝父
客送子亦涕潛願謹視風水魚龍多神姦

諸君以詩見壽用師伯渾韻為謝

遠遊天台登玉霄蓬萊仙人宜可招君詩持此為我壽
愛君學問皆富饒有如翠蛟與紫燕穆王畫圖昔曾見